



Departement für Volkswirtschaft und Soziales Graubünden
Departament d'economia publica e fatgs socials dal Grischun
Dipartimento dell'economia pubblica e socialità dei Grigioni

Departament d'economia publica e fatgs socials
Ringstrasse 10, 7001 Cuira

www.dvs.gr.ch
Tel.: +41 (0)81 257 23 03
Fax: +41 (0)81 257 21 71
E-mail: info@dvs.gr.ch

A las adressatas ed als adressats
tenor la glista da distribuziun

Per e-mail

25 d'avust 2021

Revisiun totala da la Lescha davart la promoziun da la tgira d'uffants complementara a la famiglia en il chantun Grischun (DG 548.300): consultaziun

Stimada dunna, stimà signur

La Regenza ha autorisà il Departament d'economia publica e fatgs socials da suttametter a la consultaziun il sboz per la revisiun totala da la Lescha davart la promoziun da la tgira d'uffants complementara a la famiglia en il chantun Grischun (DG 548.300).

La tgira d'uffants complementara a la famiglia è in instrument central per garantir la cumpatibilitad da la professiun cun la famiglia e per far frunt a la mancanza da persunas spezializadas. La tgira d'uffants complementara a la famiglia promova ils uffants en lur svilup e sustegna lur integraziun sociala.

Ensemen cun las vischnancas promova il chantun Grischun la tgira d'uffants complementara a la famiglia. Uschia duai la tgira d'uffants complementara a la famiglia esser finanziabla ed accessibla per las persunas responsablas per l'educaziun en tut il chantun. L'examinaziun dal model actual da finanziaziun ha mussà ils cunfins da tal e cumprovà il basegn d'agir per ina soluziun solida e moderna.

Cun la revisiun totala da la Lescha davart la promoziun da la tgira d'uffants complementara a la famiglia en il chantun Grischun duai la finanziaziun da la tgira d'uffants complementara a la famiglia per uffants en la vegliadetgna prescolara vegnir reglada da nov. Decisiva per il nov model da finanziaziun è la midada da sistem en la distribuziun dals meds finansials publics: da la finanziaziun da l'object a la promoziun sin basa da la finanziaziun dal subject. Cun quai

vegna garantì ch'ils meds finanzials publics vegnian impundids en moda effizienta e las vischnancas ed il chantun survegnan pussaivladads da regulaziun. Ultra da quai po il chantun meter a disposiziun meds da promoziun complementars per admetter uffants cun impediments en la tgira d'uffants complementara a la famiglia.

Vus pudais prender invista dals documents da la consultaziun e chargiar giu tals da la pagina d'internet dal chantun sut las consultaziuns currentas (www.gr.ch → *Rumantsch* → *Publicaziuns* → *Consultaziuns* → *Consultaziuns currentas*). Ils documents pon er vegnir empustads per telefon tar il secretariat dal DES (tel. 081 257 23 03).


Nus As envidain d'ans trametter Vossa posiziun fin ils 25 da november 2021 per e-mail sin info@dvs.gr.ch. Ils documents da la consultaziun cuntegnan in questunari. Nus As supplitgain da duvrar quel, cur che Vus scrivais Vossa posiziun.

Grazia fitg per l'interess al project e per Vossa posiziun en chaussa.

Salids amicabels

**DEPARTAMENT D'ECONOMIA
PUBLICA E FATGS SOCIALS**

Il schef



Cusseglier guvernativ Marcus Caduff

Adressatas ed adressats da la consultaziun:

- vischnancas politicas
- partidas politicas incl. partidas giuvnas
- furnituras da prestaziuns da la tgira d'uffants complementara a la famiglia en il chantun Grischun
- Federaziun spezialisada per la tgira d'uffants dal Grischun
- Procap Grischun
- Uniun grischuna d'artisanadi e mastergn
- Chombra da commerzi ed associaziun dals patruns dal Grischun
- Uniun sindacala dal Grischun
- sindicat UNIA regiun Svizra Orientala-Grischun
- sindicat SYNA Grischun/Regiun da Sargans
- sindicat SSP Grischun/Glaruna
- departaments da l'administraziun chantunala